



Synfocity = 590

mail us at : mzsynfo@gmail.com; mizoramsynod@gmail.com - Phone - 2314648

16th June, 2016

□ Synod Bookroom Conference 2016

Vawiin (June 16, 2016) khan Synod Bookroom chuan kumtina an lo tih thin angin Synod Bookroom Conference 2016 chu Zosaphluia Building, Mission Vengah an hmang a, Mizoram puma Synod Bookroom zawng zawng hei vang hian khar a ni.

Conference hi zing dar 9:30-ah Upa R. Lalmalsawma, General Manager, Prescom chuan hawngin inlawmna thu a sawi a. Chawhma hun hi Pu Lalniliana, Synod Bookroom Manager-in kaihruiin Upa R. Lalramchhana'n Bookroom sum dinhmun report a pe a. Report atanga a lan danin kum kalta khan Synod Bookroom hian nasa takin hma a sawn a. An Budget Rs. 7,82,00,000/- chu tha taka khumin Rs. 12,75,05,054/- zet thawhchhuah a ni a, Synod Bookroom 1911-a din a nih atangin kumkhata a thawhchhuah tam ber tum a la ni. Budget khumna ringawt hi Rs. 4,95,05,054/- zet a ni bawk. Kum kalta chung khan Net Profit Rs. 47,18,029/- lai Synod Bookroom hian a nei bawk. Pathian awmpuina leh Kohhran mipuite thahnemngaihna azara hetiang dinhmun an thleng thei hi Synod Bookroom chuan lawmthu a sawi a ni.

Chawhma hunah hian Upa R. Lalmalsawma, General Manager-in kum 2015 Bookroom Conference-a thurelte bawhzui a nih dan leh tihhlawhtlin a nih dan chi hrang hrang report a pe a. Hei bakah hian Financial Year thara Synod Bookroom budget Rs. 8,80,00,000/- chu a pharh nghal bawk.

Chawhnu lamah Upa R. Lalmalsawma, Genereral Manager-in programme kaihruiin Mizoram puma Branch hrang hrangte atangin report leh rawnate ngaihthlak a ni a. Kum kaltaa Bookroom rawngbawlna hrang hrang thlirletna leh sawizauna neih a ni bawk.

Rawngbawlna hrang hrang thlirletna leh sawizauna hun hman zawh hian Pu Lalniliana, Synod Bookroom Manager-in Monthly Operation Review khaihawmna a nei a. Operation review-a a lan danin 2015 kha Synod Bookroom Branch tam ber tan Sale tam ber kum a nih thu leh nikumah Synod Bookroom branch zawng zawngten an budget an khum vek thu tarlan a ni. Tin, nikum chungin Distributor thar pali; Chawngte, Vaphai, Sihphir leh Sakawrdai ah te hawn thar a nih thu tarlan a ni.

Hemi hnu hian kum kaltaa Synod Bookroom Branch tha thlanna result puan a ni a, Rev. P.C. Pachhunga, Executive Secretary chuan Branch tithate hnenah lawmman a sem a ni. Tehna ki hrang hrang pali-a inteh a nih hnuah hetiang hi kum 2015 chungna Synod Bookroom intehna result chu a ni:-

Pakhatna : Synod Bookroom Lawngtlai branch
Pahnihna : Synod Bookroom Bawngkawn Branch
Pathumna : Synod Bookroom Bazar Branch, Aizawl

Tun dinhmunah Synod Bookroom hian Branch 12 zet neiin Distribution Centre 28 a nei mek a. Kum 2016 chung hian Saiha-ah Branch puitling hawng thar tura hmalak mek a ni a. 2015 chungin Serchhip leh Lawngtlaiah Bookroom building sak thar a ni bawk.

□ Zin

♦ June 16 - 25, 2016 chungna Council of World Mission Assembly hmang turin Jeju Island, South Korea-ah Rev. Lalramliana Pachuau, Senior Executive Secretary a kal.

♦ June 19, 2016 (Pathianni) hmang hian Education Campaign nei turin Leithum-ah Rev. B. Sangthanga, Executive Secretary a kal ang.

♦ June 17 - 20, 2016 chung hian Khawzawl Vengthar Bialah rawngbawltu Seminar neih a ni dawn a, hemi hunah hian Rev. H. Remthanga, Finance Officer a kal ang.

♦ June 16 & 17, 2016 hian Pastor Quarters sak enpuin Kawrtethaweng leh Suarhliap ah Pu Lalramenga Royte, JE a kal.

♦ June 17, 2016 (Zirtawpni) hian Armed Veng Presbyterian English School-ah Upa D.P Biakkhuma, Supervisor of Schools in hun a hmang ang.

□ P.C. Girls' School-in Hostel Building thar hawng dawn

June 17, 2016 (Zirtawpni) chawhnu dar 1:00 khian P.C. Girls' School-a Hostel Building thar chu Synod Moderator Rev. H. Lalrinmawian Pathian hnenah hlanin a hawng ang.

Hostel building thar hawna inkhawm hi Rev. B. Sangthanga, Executive Secretary i/c Education in a kaihrui ang a, P.C. Girls' School Headmistress hnen atangin inhmelhrattirna leh reports ngaihthlak a ni ang a. Synod Moderator Rev. H. Lalrinmawia hnen atangin thusawi ngaihthlak a ni ang a, a duh apiang tan thusawina hun tawi hawn a ni bawk ang.

P.C.Girls' School Hostel thar hi a dung 84ft, a vang 45ft a zau a ni a. Floor 3 a awm a, a chung berah warden room leh study room a awm a. A laiah Dormitory pathum leh a chhak lamah RCC tuizem dah a ni a. Ahnuai berah Kitchen leh Dining Hall leh Dormitory 1 a awm bawk.

Kum 2014 May thla bul atanga sak tan niin kum 2 chungna sak zawh a ni. Tunah hian hostel naupang 39 an awm mek a ni.

□ Synod-in chhawmdawlina pe

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Lengpui Model Veng	In kangral vek	1	Rs. 8,000/-
2.	Lungsum	Thlipui tuar	1	Rs. 5,000/-
3.	Darlak	Damlo/Rethei	1	Rs. 8,000/-
4.	Lamherh	Rethei	1	Rs. 4,000/-
TOTAL				Rs. 25,000/-

□ Revival

June 7 - 12, 2016 chung khan Synod Camping Centre, Neihbawih-ah a duh apiang tan Gospel Camping buatsaih a ni a, speaker chu Pu Laldinthara, Gospel Meichher leh a team te an ni. Camp-a lut zawng zawng hi mipa 174 leh hmeichhia 27, an vaiin 201 an ni a, damlohna leh engemaw harsatna avanga awm tluan theilo mi tlem azawng an awm bawk a ni. Camp-ah hian kohhran hrang hrang atangin mi engemaw zat an lut a, Aizawl khawchung leh pawn atangin lut an awm bawk. Ei rawngbawl leh security lam hi Ramthar Kohhran Pavalai Pawl in an buaipui a ni.

- ❑ **Campus Ministry**
June 17 & 18, 2016 chung hian Serchhip Presbyterian English School-ah Zirtirtu Training leh Zirlai Retreat neihpui turin Rev. Lalchungnunga, Director, Tv. Lalhmunzauva Tlau, Councillor leh Upa Dr. C. Lalremruata, Trainer te an kal ang.
- ❑ **MSSU**
 - ◆ June 17, 2016 (Inrinni) hian Zanlawn leh Serkhan Kohhran chuan Sunday School Zirtirtute tan joint training a buatsaih dawn a, hemi hunah hian T/Upa Lalrosanga Colney, O/A leh Upa C. Lalbiaksanga, Zemabawk North (MSSU Trainer) te an kal ang.
 - ◆ June 17, 2016 (Inrinni) hian Nursery Venglai Kohhran ah Bial Sunday School Zirtirtu training neih a ni dawn a, hemi hunah hian Upa Lalthahluna Ralte, MSSU Asst. Coordinator leh Upa Hrilthansanga, Mission Vengthlang (MSSU Trainer) te an kal ang.
- ❑ **Hruaina Eng FM Radio & TV Programme**
 - ◆ **JUNE 17, 2016 (FM ZOAWI AIZAWL @ 7:30 P.M.):**
Solo : Hlim Hlimi - I remruat ka tan a tawk, **Zaipawl** : BESY Choir - Hmangaihtu Thinlung, **Thusawi** : Rev. Dr. C. Chawngmingliana - Hlawhtlinna thuruk, **Solo** : Gospel River Band - Beiseina, **Zaipawl** : Mizoram Synod Choir - Hmangaihna Lui
 - ◆ **JUNE 17, 2016 (FM LUNGLEI @ 7:30 P.M.):**
Solo : Hlim Hlimi - I remruat ka tan a tawk, **Zaipawl** : BESY Choir - Hmangaihtu Thinlung, **Thusawi** : Rev. Dr. C. Chawngmingliana - Hlawhtlinna thuruk, **Solo** : Gospel River Band - Beiseina, **Zaipawl** : Mizoram Synod Choir - Hmangaihna Lui
 - ◆ **JUNE 19, 2016 (Tv Programme) @ 3:00 p.m) :**
Weekly Round Up, Presbyterian Hindi Bible School : 57th Batch Graduation Day
- ❑ **Susamachar Prasaran Programme**
 - ◆ **JUNE 19, 2016 (Pathianni) 5:00 pm.**
Group/Choir/Solo : Aizawl South West - Rabba Ki Howe Sana, **Group/Choir/Solo** : Siyon Swaram - Tere Charno, **Sermon** : Rev Laltharzuala - Masib hamara Adarsh, **Group/Choir/Solo** : Chawlhmun Masihi Sangati - Tu Pyar, **Group/Choir/Solo** : Hmingtea Tochwawng - Aaya ishu mere jiwane
- ❑ **Moderator Programme**
Synod Moderator Rev. H. Lalrinmawia chuan tunkar tawpawh hetiang hian hun a hmang ang :

◆ June 18, 2016(Inrinni)	Zan	S. Vanlaiphai	Sangau Bial
◆ June 19, 2016 (Pathianni)	Chawhma	S. Lungpher	Sangau Bial
◆ June 19, 2016 (Pathianni)	Chawhnu	Rawlbuk	Sangau Bial
◆ June 19, 2016 (Pathianni)	Zan	Sangau	Sangau Bial

SYNOD HOSPITAL NURSING SCHOOL ADMISSION

Synod Hospital, Durtlang chuan GNM zir tur a la dawn a, dilna form (Prospectus & Application) hi 20th June - 30th July, 2016; dar 9:00 am - 4:00 pm chungin lei theih a ni a, Prospectus/Application Form man hi Rs. 200/- a ni. Dilna form hi 30th July, 2016 aia tlai lovah Principal Office, Synod Hospital, Durtlang-ah thehluh tur a ni.

Prospectus/Application Form lakna tur :

1. Principal Office, Synod Hospital, Durtlang.
2. Millennium Centre Clinic, Aizawl.
3. Dr. Fraser's Clinic, Mission Veng.

Dil thei chin :

1. 10+2 emaw a tlukpui emaw pass, 40% mark hmu chin.
2. Nupui/Pasal la nei lo, kum 17-35 inkar.
3. Vacational stream te tan dil theih a ni lo.

**Director,
Synod Hospital**

PUANTHUI ZIR TUR LEH ZIRTIRTU TUR DIL THEIH

Mizoram Presbyterian Kohhran Hmeichhe enkawlha hnuai Women Centre, Phunchawnga Puanthui zirtirtu leh Puanthui zir tur (Hmeichhia ve ve) lak a ni dawn a, a duh chuan ngaihven theih a ni e.

1. Puanthui zirtirtu tur

1. Puanthui thiamna Certificate nei, kum nga (5) tal a hnaa experience nei, puanthui zirtir thiam tak a ni tur a ni.
2. Presbyterian Kohhran dan chungana awm.
3. Lak tur zat : 2 (Pahnih) Nos.
- Screening Test hun : July 14, 2016 (Ningani) dar 11:00am
- Interview hun : July 19, 2016 (Thawhlejni) dar 11:00am

2. Puanthui zir tur

Rahbi tleute tan Puanthui zirna a buatsaih a, a zir turin mi lak thar tur a ni.

1. Seat awm zat : 20 (Sawmhni) Nos.
2. Thiamna : Pawl VIII (Pawl riat) pass
- Interview hun : July 13, 2016 (Nilaini) dar 11:00am
- A hmun : Synod Committee Room - I

Dilna Form hi Synod Office, Kohhran Hmeichhe Dept. -ah lam theih a ni a. Hriat tur pawimawh chu Dilna Form-ah tihlan a ni.

REV. PC PACHHUNGA
Executive Secretary i/c Kohhran Hmeichhia
Synod Office